

**ՔԱԶԱՐԱՆԻ ՀԱՄԱՅՆՔԱՊԵՏԱՐԱՆԻ ԿԱՐԻՔՆԵՐԻ ՀԱՄԱՐ ՀՀ ՍՅՈՒՆԻՔԻ ՄԱՐԶԻ ՔԱԶԱՐԱՆ  
ԽՈՇՈՐԱՑՎԱԾ ՀԱՄԱՅՆՔԻ ԽՄԵԼՈՒ ՋՐԱՄԱՏԱԿԱՐԱՐՄԱՆ ԲԱՐԵԼԱՎՄԱՆ ՆՊԱՏԱԿՈՎ ԳԵՏԱՅԻՆ  
ՋՐԸՆԴՈՒՆԻՉԻ և ԱՌԱՋՆԱՅԻՆ ՊԱՐԶԱՐԱՆԻ ԿԱՌՈՒՑՄԱՆ ԱՇԽԱՏԱՆՔՆԵՐԻ ՁԵՌՔԵՐՄԱՆ  
ՊԱՅՄԱՆԱԳԻՐ**

**N ԲՀ-ԳՀԱՇՁԲ-22/30-15**

ք. Քաջարան

«22» Սեպտեմբերի 2022 թ.

Քաջարանի համայնքապետարանը, ի դեմս համայնքի ղեկավար Մանվել Փարամազյանի, որը գործում է «Տեղական ինքնակառավարման մասին» ՀՀ օրենքի հիման վրա (այսուհետ՝ Պատվիրատու), մի կողմից, և «Աժդանակ» ՍՊԸ-ն, ի դեմս տնօրեն Արտակ Համբարձումյանի, որը գործում է ընկերության կանոնադրության հիման վրա, (այսուհետ՝ Կապալառու), մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1 Կապալառուն պարտավորվում է սույն պայմանագրով սահմանված կարգով, նախատեսված ծավալներով, ձևով և ժամկետներում կատարել սույն պայմանագրի (այսուհետ՝ պայմանագիր) N 1 Հավելվածով սահմանված ծավալաթերթ-նախահաշվով նախատեսված **ՀՀ Սյունիքի մարզ Քաջարան խոշորացված համայնքի խմելու ջրամատակարարման բարելավման նպատակով գեղային ջրընդունիչի և առաջնային պարզարարնի կառուցման** աշխատանքները (այսուհետ՝ աշխատանք), իսկ Պատվիրատուն պարտավորվում է ընդունել կատարված աշխատանքը և վարձատրել դրա համար:

1.2 Պայմանագրով նախատեսված աշխատանքները կատարվում են ՀՀ օրենսդրությամբ սահմանված ստանդարտներին, շինարարարական նորմերին և կանոններին, աշխատանքի նախագծին, ինչպես նաև պայմանագրի անբաժանելի մասը կազմող աշխատանքի ծավալաթերթ-նախահաշվին համապատասխան:

1.3 Պայմանագրով նախատեսված աշխատանքները սկսվում են պայմանագիրն ուժի մեջ մտնելուց հետո և կատարման ժամկետը սահմանվում է՝ 01 դեկտեմբերի 2022թ.:

Պայմանագրով նախատեսված առանձին տեսակի աշխատանքների, փուլերի և ծավալների կատարման ժամկետները որոշվում են կողմերի կողմից համաձայնեցված օրացուցային գրաֆիկով (Հավելված N 2):

**2. ԿԱՊԱԼԱՌՈՒԻ ՄԻՋՈՑՆԵՐՈՎ ԱՇԽԱՏԱՆՔՆԵՐԸ ԿԱՏԱՐԵԼԸ**

2.1 Աշխատանքը կատարվում է Կապալառուի ուժերով, նյութերով և միջոցներով:

2.2 Կապալառուն պատասխանատվություն է կրում իր տրամադրած նյութերի և սարքավորումների որակի համար:

**3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**3.1. Պատվիրատուն իրավունք ունի՝**

3.1.1 Ցանկացած ժամանակ ստուգել Կապալառուի իրականացրած աշխատանքի ընթացքը և որակը՝ առանց միջամտելու վերջինիս գործունեությանը:

3.1.2 Կապալառուի կողմից պայմանագրի 1.3 կետում նշված ժամկետի (ներառյալ օրացուցային գրաֆիկի) խախտման դեպքում իր հայեցողությամբ սահմանել աշխատանքի կատարման նոր ժամկետ և պահանջել Կապալառուից վճարելու պայմանագրի 6.2 կետով նախատեսված տույժը:

3.1.3 Չընդունել աշխատանքի արդյունքը՝ ՀՀ օրենսդրությամբ սահմանված դրույթներին, պայմանագրի 1.2 կետով նախատեսված փաստաթղթերի պահանջներին չհամապատասխանելու դեպքում՝ իր հայեցողությամբ սահմանելով թերությունների անհատույց վերացման ողջամիտ ժամկետ և պահանջել Կապալառուից վճարելու պայմանագրի 6.2 կետով նախատեսված տույժը, ինչպես նաև 6.3 կետով նախատեսված տուգանքը:

3.1.4 Միակողմանի լուծել պայմանագիրը և պահանջել հատուցելու իրեն պատճառված վնասները, եթե.

ա) Կապալառուն ժամանակին չի սկսում աշխատանքի կատարումը կամ աշխատանքը կատարում է այնքան դանդաղ, որ դրա ժամանակին ավարտը դառնում է ակնհայտ անհնար,

բ) Կապալառուն խախտել է պայմանագրի 1.3 կետում նախատեսված ժամկետը (ներառյալ օրացուցային գրաֆիկը),

գ) Կապալառուի կողմից կատարված աշխատանքը չի համապատասխանում նախագծանախահաշվային փաստաթղթերով սահմանված պահանջներին,

դ) Կապալառուի կողմից խախտվել են պայմանագրի 3.1.3 կետով նախատեսված հիմքերով աշխատանքի թերությունների անհատույց վերացման ողջամիտ ժամկետները:

3.1.5 Աշխատանքի արդյունքի թերությունների հետ կապված պահանջներ ներկայացնել երաշխիքային ժամկետում:

3.1.6 Լիազորել այլ անձի՝ աշխատանքի իրականացման նկատմամբ տեխնիկական հսկողություն իրականացնելու նպատակով:

3.1.7 Մինչև Պատվիրատուի կողմից Կապալառուի կատարած աշխատանքի արդյունքն ընդունելը, պահանջել իրեն հանձնելու անավարտ աշխատանքի արդյունքը՝ պայմանագիրն օրենքով կամ պայմանագրով նախատեսված հիմքերով դադարեցնելու դեպքում:

### **3.2. Պատվիրատուն պարտավոր է՝**

3.2.1 Աշխատանքը կատարելիս՝ աջակցել Կապալառուին պայմանագրով նախատեսված դեպքերում, ծավալով և կարգով:

3.2.2 Պայմանագրով նախատեսված ժամկետում և կարգով Կապալառուի մասնակցությամբ զննել և ընդունել կատարված աշխատանքը (դրա արդյունքը), իսկ պայմանագրից աշխատանքի արդյունքը վատթարացնող շեղումներ կամ աշխատանքում այլ թերություններ հայտնաբերելու դեպքերում՝ այդ մասին անհապաղ հայտնել Կապալառուին:

3.2.3 Պայմանագրի ուժի մեջ մտնելու պահից 5 աշխատանքային օրվա ընթացքում Կապալառուին տրամադրել աշխատանքի իրականացման համար համապատասխան տարածք:

3.2.4 Պայմանագրի 1.3 կետով նախատեսված ժամկետում աշխատանքի արդյունքն ընդունելու դեպքում Կապալառուին վճարել վերջինիս վճարման ենթակա գումարները:

### **3.3. Կապալառուն իրավունք ունի՝**

3.3.1 Պայմանագրի 1.3 կետով նախատեսված ժամկետում աշխատանքի արդյունքը հանձնելու դեպքում Պատվիրատուից պահանջել վճարելու պայմանագրի 5.1 կետով նախատեսված՝ վճարման ենթակա գումարը:

3.3.2 Պատվիրատուի կողմից պայմանագրի 5.4 կետում նշված ժամկետների խախտման դեպքում Պատվիրատուից պահանջել վճարելու իրեն վճարման ենթակա գումարները և պայմանագրի 6.5 կետով նախատեսված տույժը:

### **3.4. Կապալառուն պարտավոր է՝**

3.4.1 Աշխատանքների առնվազն 75 տոկոսը կատարել անձամբ, պայմանագրով նախատեսված կարգով և ժամկետներում, իր ուժերով, գործիքներով, մեխանիզմներով, ինչպես նաև անհրաժեշտ նյութերով ու պատշաճ որակով՝ նախագծին և ծավալաթերթին համապատասխան:

3.4.2 Կատարել աշխատանքի վերաբերյալ Պատվիրատուի տված ցուցումները, եթե դրանք չեն հակասում պայմանագրի պայմաններին:

3.4.3 Ապահովել շինմոնտաժային աշխատանքների կատարումը շինարարական նորմերին, կանոններին ու տեխնիկական պայմաններին համապատասխան, կատարել իր կողմից մոնտաժված սարքավորման (էլեկտրական, ջեռուցման, ջրամատակարարման, կոյուղու, օդափոխիչ և այլն) անհատական փորձարկում, մասնակցել սարքավորման համալիր փորձարկմանը:

3.4.4 Աշխատանքի արդյունքը Պատվիրատուին հանձնելիս նրան հայտնել այն պահանջների և կանոնների մասին, որոնց պահպանումն անհրաժեշտ է աշխատանքի արդյունքի արդյունավետ և անվտանգ օգտագործման համար, ինչպես նաև տեղեկություններ հաղորդել այդ պահանջները և կանոնները չպահպանելու հնարավոր ռեզուլտատների մասին:

3.4.5 Պայմանագրի 1.3 կետում նշված ժամկետը (ներառյալ օրացուցային գրաֆիկը) խախտելու և Պատվիրատուի կողմից աշխատանքի կատարման նոր ժամկետ սահմանվելու դեպքում, ապահովել աշխատանքի կատարումը սահմանված ժամկետում և յուրաքանչյուր ուշացված օրվա համար վճարել պայմանագրի 6.2 կետով նախատեսված տույժը:

3.4.6 Պայմանագրի 3.1.4 կետով նախատեսված հիմքերով պայմանագրի լուծման դեպքում հատուցել Պատվիրատուին պատճառված վնասները և վճարել 6.3 կետով նախատեսված տուգանքը:

3.4.7 Շինարարության օբյեկտի կոնսերվացման անհրաժեշտության ծագման դեպքում՝ իր միջոցներով կատարել աշխատանքը դադարեցնելու և շինարարությունը կոնսերվացնելու անհրաժեշտությունից բխող ողջամիտ ծախսերը:

3.4.8 Եթե շինարարական ծրագրերի կատարման արդյունքի կամ դրա առանձին բաղադրիչի համար սահմանված երաշխիքային ժամկետի ընթացքում ի հայտ են եկել կատարված աշխատանքի թերություններ, ապա Կապալառուն պարտավոր է իր հաշվին, Պատվիրատուի կողմից սահմանված ողջամիտ ժամկետում վերացնել թերությունները:

3.4.9 Պայմանագրով երաշխիքային ժամկետ է սահմանվում Պատվիրատուի կողմից ողջ ծավալով Աշխատանքն ընդունվելու օրվան հաջորդող օրվանից հաշված 365 օր: Եթե երաշխիքային ժամկետի ընթացքում ի հայտ են եկել կատարված Աշխատանքի թերություններ, ապա Կապալառուն պարտավոր է իր հաշվին, Պատվիրատուի կողմից սահմանված ողջամիտ ժամկետում վերացնել թերությունները:

3.4.11 Որակավորման և պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

#### 4. ԱՇԽԱՏԱՆՔԻ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

4.1 Կատարված աշխատանքը ընդունվում է Պատվիրատուի և Կապալառուի միջև հանձնման-ընդունման արձանագրության ստորագրմամբ: Աշխատանքը Պատվիրատուին հանձնելու փաստը ֆիքսվում է Պատվիրատուի և Կապալառուի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով աշխատանքի կատարման համար նախատեսված օրը ներառյալ Կապալառուն Պատվիրատուին է տրամադրում իր կողմից ստորագրված՝ աշխատանքը Պատվիրատուին հանձնելու փաստը ֆիքսող փաստաթուղթը (հավելված N 4.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 4): Ընդ որում Կապալառուն հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

4.2 Եթե կատարված աշխատանքը համապատասխանում է պայմանագրի պայմաններին, Պատվիրատուն պայմանագրի 4.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 5 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կապալառուին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

4.3 Եթե կատարված աշխատանքը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 4.2 կետում նշված ժամկետում էլեկտրոնային գնումների armeps համակարգի միջոցով Կապալառուին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կապալառուի նկատմամբ կիրառում է պայմանագրով նախատեսված պատասխանատվության միջոցներ:

4.4 Եթե պայմանագրի 4.2 կետով սահմանված ժամկետում Պատվիրատուն չի ընդունում կատարված աշխատանքը կամ չի մերժում դրա ընդունումը, ապա կատարված աշխատանքը համարվում է ընդունված և պայմանագրի 4.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կապալառուին է տրամադրում իր կողմից ստորագրված հանձնման-ընդունման արձանագրությունը:

4.5 Աշխատանքի կամ պայմանագրի օրացուցային գրաֆիկով նախատեսված առանձին տեսակի աշխատանքների, փուլերի և ծավալների արդյունքները նախագծանախահաշվային փաստաթղթերին չհամապատասխանելու դեպքում կողմերը կազմում են երկկողմ ալկտ՝ թվարկելով թերությունների վերացման համար պահանջվող՝ կատարման ենթակա լրացուցիչ աշխատանքները և ժամկետները: Կապալառուն պարտավոր է պայմանագրային գնի սահմաններում, առանց լրացուցիչ վճարի, կատարել անհրաժեշտ աշխատանքներ:

4.6 Աշխատանքն ընդունելիս կիրառվում են նաև հետևյալ պայմանները՝

1) Կապալառուի կողմից շինարարության ավարտի մասին տեղեկություն ստանալուց հետո Պատվիրատուի ղեկավարը ձեռնարկում է միջոցներ Հայաստանի Հանրապետության կառավարության 2015 թվականի մարտի 19-ի N 596-Ն որոշմամբ սահմանված հանձնաժողով ձևավորելու և կատարված աշխատանքներն ընդունելու համար:

2) պայմանագրի կատարման արդյունքը համարվում է ամբողջությամբ ընդունված պետական կառավարման մարմնի ղեկավարի՝ Հայաստանի Հանրապետության կառավարության 2015 թվականի մարտի 19-ի N 596-Ն որոշմամբ սահմանված կարգով ձևավորված հանձնաժողովի (այսուհետ՝ ընդունող հանձնաժողով) կողմից կատարված աշխատանքներն ընդունվելու դեպքում:

3) մինչև ավարտված շինարարական օբյեկտի ընդունումը՝ Հայաստանի Հանրապետության կառավարության 2015 թվականի մարտի 9-ի N 596-Ն որոշման համապատասխան ստեղծված հանձնաժողովը Հայաստանի Հանրապետության օրենսդրությամբ սահմանված կարգով փաստագրում է ավարտված շինարարության օբյեկտը և կազմում օբյեկտը շահագործման ընդունող հանձնաժողովի ալկտ:

4) սույն կետի 3-րդ ենթակետում նշված ալկտը սահմանված կարգով ստանալուց հետո պատասխանատու ստորաբաժանումն ստուգում է ավարտված շինարարական օբյեկտի (կատարված աշխատանքների) համապատասխանությունը պայմանագրի պահանջներին և, եթե կատարված աշխատանքը՝

ա. համապատասխանում է պայմանագրի պայմաններին, ապա ստորագրվում է պայմանագրի կատարման արդյունքն ընդունելու մասին հանձնման-ընդունման ավարտական արձանագրություն,

բ. չի համապատասխանում պայմանագրի պայմաններին, ապա արձանագրություն չի ստորագրվում:

5) մինչև սույն կետով նախատեսված պայմանագրի կատարման արդյունքն ընդունելու մասին հանձնման-ընդունման ավարտական արձանագրությունն ստորագրելը՝ Պատվիրատուն չի վճարում կապիտալ շինարարության

համար կատարված աշխատանքների ընդհանուր գումարի հինգ տոկոսը, իսկ տարաժամկետ վճարելու դեպքում՝ վերջին վճարման գումարը, որը չի կարող պակաս լինել կապիտալ շինարարության համար կատարված աշխատանքների ընդհանուր գումարի հինգ տոկոսից:

## 5. ԱՇԽԱՏԱՆՔԻ ԳԻՆԸ ԵՎ ՎԱՐՁԱՏՐՈՒԹՅՈՒՆԸ

5.1 Սույն պայմանագրի ընդհանուր գինը կազմում է **33 340 903 (երեսուներեք միլիոն երեք հարյուր քառասուն հազար ինը հարյուր երեք) ՀՀ դրամ**, որից 5 556 817 (հինգ միլիոն հինգ հարյուր հիսունվեց հազար ութ հարյուր տասնյոթ) ՀՀ դրամը՝ ԱԱՀ-ն: Գինը ներառում է Կապալառուի կողմից իրականացվող բոլոր ծախսերը:

5.2 Աշխատանքի գինը կայուն է և Կապալառուն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

5.3 Պատվիրատուն վճարում է աշխատանքի կամ պայմանագրի օրացուցային գրաֆիկով նախատեսված՝ առանձին տեսակի աշխատանքների, փուլերի և ծավալների՝ պայմանագրի 4-րդ բաժնով նախատեսված կարգով ընդունելու դեպքում Հայաստանի Հանրապետության դրամով, անկանխիկ՝ դրամական միջոցները Կապալառուի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված ամիսներին, բայց ոչ ուշ, քան մինչև տվյալ տարվա դեկտեմբերի 30-ը:

Ընդ որում վճարում կատարելու նպատակով հանձնման-ընդունման արձանագրությունն ստորագրվելու օրվանից հետո 3 աշխատանքային օրվա ընթացքում պատվիրատուն վճարման հանձնարարագիրը և հանձնման-ընդունման արձանագրության պատճենը մուտքագրում է լիազորված մարմնի գանձապետական համակարգ, իսկ սահմանված կարգի համաձայն ներկայացված փաստաթղթերի հիման վրա լիազորված մարմինը տվյալ վճարումը կատարում է հանձնման-ընդունման արձանագրությունը գանձապետական համակարգ մուտքագրված լինելու դեպքում՝ սույն պայմանագրի վճարման ժամանակացույցով սահմանված ժամկետներում, հինգ աշխատանքային օրվա ընթացքում:

## 6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1 Կապալառուն պատասխանատվություն է կրում Աշխատանքի որակի և սույն պայմանագրի 1.3 կետով (ներառյալ օրացուցային գրաֆիկը) նախատեսված ժամկետի պահպանման համար:

6.2 Սույն պայմանագրով նախատեսված Աշխատանքի կատարման ժամկետը խախտելու դեպքում Կապալառուից յուրաքանչյուր ուշացված աշխատանքային օրվա համար գանձվում է տույժ՝ կատարման ենթակա, սակայն չկատարված Աշխատանքի գնի 0,05 (զրո ամբողջ հինգ հարյուրերորդական) տոկոսի չափով:

6.3 Պայմանագրի 3.1.3 կետով նախատեսված հիմքերով Պատվիրատուի կողմից աշխատանքը չընդունվելու, ինչպես նաև 3.1.4 կետով նախատեսված կարգով պայմանագիրը լուծելու դեպքում Կապալառուից գանձվում է տուգանք՝ պայմանագրի 5.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև աշխատանքի արդյունքը սույն պայմանագրով սահմանված ժամկետում կատարելու, սակայն պատվիրատուի կողմից այդ չընդունվելու դեպքում:

6.4 Պայմանագրի 6.2 և 6.3 կետերով նախատեսված տույժը և տուգանքը հաշվարկվում և հաշվանցվում են Կապալառուին վճարվող գումարների հետ:

6.5 Պատվիրատուի կողմից պայմանագրի 5.3 կետով նախատեսված ժամկետների խախտման համար Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6.7 Տույժերի և (կամ) տուգանքների վճարումը կողմերին չի ազատում իրենց պայմանագրային պարտավորությունները կատարելուց:

## 7. ԱՆՀԱՂԹԱՀԱՐԵԼԻ ՈՒԺԻ ԱՇԴԵՑՈՒԹՅՈՒՆԸ (ՖՈՐՍ-ՄԱԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 8. ԱՅԼ ՊԱՅՄԱՆՆԵՐ

8.1 Պայմանագիրն ուժի մեջ է մտնում Կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

8.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

8.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կապալառու ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կապալառուի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

8.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

8.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող աշխատանքի ծավալների կամ ձեռք բերվող աշխատանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

8.8 Աշխատանքի կատարման ժամկետը կարող է երկարաձգվել մինչև պայմանագրով այդ ժամկետը լրանալը՝ Կապալառուի առաջարկության առկայության դեպքում՝ պայմանով, որ Պատվիրատուի մոտ չի վերացել աշխատանքի օգտագործման պահանջը, իսկ Կապալառուի առաջարկությունը ներկայացվել է ոչ ուշ, քան պայմանագրով ի սկզբանե աշխատանքների կատարման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում աշխատանքի կատարման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

8.9 Պայմանագրի պատշաճ կատարման պայմաններում կողմերի (Կապալառու կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կապալառուի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի՝ կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կապալառուն:

8.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով աշխատանքի կատարման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով աշխատանքի կատարման համար անհրաժեշտ ֆինանսական հատկացումների նվազեցումը:

8.11 Կապալառուի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կապալառուն, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն այն ուղարկվում է նաև Կապալառուի էլեկտրոնային փոստին:

8.12 Սույն պայմանագրի կապակցությամբ ծագած վեճերը լուծվում են բանակցությունների միջոցով:  
Համաձայնություն ձեռք չբերելու դեպքում վեճերը լուծվում են դատական կարգով:

8.13 Սույն պայմանագիրը կազմված է 6 էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ: Սույն պայմանագրի N 1, N 2, N 3, N 4 և N 4.1 հավելվածները, համարվում են պայմանագրի անբաժանելի մասը:

8.14 Սույն պայմանագրի հետ կապված հարաբերությունների նկատմամբ կիրառվում է Հայաստանի Հանրապետության իրավունքը:

#### 9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

##### ՊԱՏՎԻՐԱՏՈՒ

Քաջարանի համայնքապետարան  
ք. Քաջարան, Լեռնագործների 4  
ՀՀ ՖՆ գործառն վարչ.  
հհ 900312467104  
հվհհ 09426045

/ստորագրություն/



##### ԿԱՊԱԼԱՌՈՒ

«Աժդանակ» ՍՊԸ  
ՀՀ Սյունիքի մարզ Քաջարան  
Բարիկավան թաղ. Փ 4 1/1  
«Արդշինբանկ» ՓԲԸ  
հհ 2470805536690000  
հվհհ 09425679

/ստորագրություն/



### ԾԱՎԱԼԱԹԵՐԹ-ՆԱԽԱՀԱՇԻՎ\*

ՀՀ Սյունիքի Քաջարան համայնքի խմելու ջրամատակարարման բարելավման  
նպատակով գետային ջրընդունիչի և առաջնային պարզարանի կառուցում  
ԱՇԽԱՏԱՆՔՆԵՐԻ ԿԱՏԱՐՄԱՆ

| Հ/Հ                                                           | Աշխատանքների տեսակները և անվանումը                                           | Չ/Մ            | Քանակ  | Միավ. արժեքը (հազար ՀՀ դրամ) | Գումարը (հազար ՀՀ դրամ) | Գումարը %- ով |
|---------------------------------------------------------------|------------------------------------------------------------------------------|----------------|--------|------------------------------|-------------------------|---------------|
| 1                                                             | 2                                                                            | 3              | 4      | 5                            | 6                       | 7             |
| <b>ԲԱԺԻՆ 1. Գետային ջրընդունիչի գլխամասի շին. աշխատանքներ</b> |                                                                              |                |        |                              |                         |               |
| <b>1.1. Հողային աշխատանքներ</b>                               |                                                                              |                |        |                              |                         |               |
| 1                                                             | Բուտաբետոնե պատի հիմքերի փորում V կարգի գրունտներում, փխրեցումով, կողալիցքով | մ <sup>3</sup> | 9,0    | 24,500                       | 220,500                 |               |
| <b>1.2. Բետոնային աշխատանքներ</b>                             |                                                                              |                |        |                              |                         |               |
| 1                                                             | Հունի կայունացման ենթահունային բուտաբետոնե պատի կառուցում                    | մ <sup>3</sup> | 6,0    | 36,025                       | 216,150                 |               |
| 2                                                             | Բետոնի քանդում հետահար մուրճով                                               | մ <sup>3</sup> | 0,25   | 60,687                       | 15,172                  |               |
| 3                                                             | Բիտումացված խծուծի տեղադրում                                                 | կգ             | 30,0   | 7,818                        | 234,540                 |               |
| 4                                                             | Ցեմենտավազե շաղախով խցուկի ծածկասկավ                                         | մ <sup>3</sup> | 0,10   | 49,654                       | 4,965                   |               |
| <b>1.3. Մոնտաժային աշխատանքներ</b>                            |                                                                              |                |        |                              |                         |               |
| 1                                                             | N18 երկտավրե, L=1,5մ երկարությամբ հենասյուների տեղադրում բուտաբետոնե հիմքում | հատ            | 4,0    | 26,379                       | 105,516                 |               |
| 2                                                             | Բերվածքների մուտքի կանխարգելման ճաղավանդակի մոնտաժում N18 երկտավրերով        | մ              | 24,0   | 18,259                       | 438,216                 |               |
|                                                               | Ճաղավանդակի կայունության կոշտության կողերի մոնտաժում N18 երկտավրերով         | մ              | 8,0    | 18,259                       | 146,072                 |               |
| 4                                                             | 150x150x7 չափերով մետաղական անկյունակի մոնտաժում                             | մ              | 2,0    | 24,361                       | 48,722                  |               |
| 5                                                             | Մնման խողովակի մուտքի մետաղական ճաղավանդակի մոնտաժում                        | կգ             | 230,0  | 1,453                        | 334,190                 |               |
| 6                                                             | Մնման խողովակի մուտքի 0.7x0.7x4.3մ մետաղական հարթ փականի մոնտաժում           | կգ             | 242,60 | 1,453                        | 352,498                 |               |
| <b>Ընդամենը ԲԱԺԻՆ 1</b>                                       |                                                                              |                |        |                              | <b>2 116,541</b>        | <b>7,62</b>   |

**ԲԱԺԻՆ 2. Նախագծվող ջրագիծերի (սնուցման գիծ L=70մ, Մ/կ ջրագիծ L=40 մ, լվացման ջրագիծ L=25 մ) շին մոնտաժային աշխատանքներ**

**2.1. Հողային աշխատանքներ**

|   |                                                                                |                |       |       |         |  |
|---|--------------------------------------------------------------------------------|----------------|-------|-------|---------|--|
| 1 | Խրամուղու մշակում IV կարգի գրունտներում էքսկավատորով, կողալիցքով               | մ <sup>3</sup> | 280,0 | 1,000 | 280,000 |  |
| 2 | Խրամուղու մշակում V կարգի բեկորախճաքարային բնահողերում էքսկավատորով կողալիցքով | մ <sup>3</sup> | 140,0 | 1,350 | 189,000 |  |
| 3 | Խրամուղու լրամշակում ձեռքով, կողալիցքով                                        | մ <sup>3</sup> | 5,0*  | 5,750 | 28,750  |  |
| 4 | Խրամուղու հատակի հարթեցում δ=10սմ հաստությամբ                                  | մ <sup>3</sup> | 12,50 | 4,774 | 59,675  |  |
| 5 | Խրամուղու ետլիցք, մշակած բնահողից տոփանումով                                   | մ <sup>3</sup> | 393,0 | 0,470 | 184,710 |  |
| 6 | Ավելացված գրունտի հարթեցում տեղում                                             | մ <sup>3</sup> | 19,0  | 0,190 | 3,610   |  |

**2.2 Տեխնոլոգիական աշխատանքներ**

|   |                                                                                            |                |       |        |           |  |
|---|--------------------------------------------------------------------------------------------|----------------|-------|--------|-----------|--|
| 1 | D530x6 և D426x5 տրամագծի պողպատե խողովակների հիդրոմեկուսացում երկշերտ հակակոռոզիոն մածիկով | մ <sup>2</sup> | 217,0 | 0,968  | 210,056   |  |
| 2 | D530x6 տրամագծի խողովակի մոնտաժում խրամուղում                                              | մ              | 95,0  | 99,115 | 9 415,925 |  |
| 3 | D426x5 տրամագծի խողովակի մոնտաժում խրամուղում                                              | մ              | 40,0  | 79,329 | 3 173,160 |  |
| 4 | D426x5 տրամագծի L=10մ երկարությամբ խողովակի ջերմամեկուսացում                               | մ <sup>2</sup> | 15,0  | 0,678  | 10,170    |  |

**Ընդամենը ԲԱԺԻՆ 2**

13 555,056 48,78

**ԲԱԺԻՆ 3. Նոր կառուցվող պարզարանի շին. մոնտաժային աշխատանքներ**

**3.1. Հողային աշխատանքներ**

|   |                                                                                |                |       |       |         |  |
|---|--------------------------------------------------------------------------------|----------------|-------|-------|---------|--|
| 1 | Խճաքարային ենթաշերտի մշակում IV կարգի գրունտներում էքսկավատորով, կողալիցքով    | մ <sup>3</sup> | 140,0 | 1,000 | 140,000 |  |
| 2 | Խրամուղու մշակում V կարգի բեկորախճաքարային բնահողերում էքսկավատորով կողալիցքով | մ <sup>3</sup> | 140,0 | 1,350 | 189,000 |  |
| 3 | Մշակված գրունտի հետլիցք խտացումով                                              | մ <sup>3</sup> | 130,0 | 0,470 | 61,100  |  |
| 4 | Ավելացված գրունտի հարթեցում տեղում բուլդոզերով                                 | մ <sup>3</sup> | 150,0 | 0,190 | 28,500  |  |

**3.2. Ամրանային աշխատանքներ**

|   |                                  |    |       |       |        |  |
|---|----------------------------------|----|-------|-------|--------|--|
| 1 | Փ6մ տրամագծի ամրանների տեղադրում | կգ | 13,50 | 0,742 | 10,017 |  |
|---|----------------------------------|----|-------|-------|--------|--|

|                                                 |                                                                                          |                |          |         |                   |               |
|-------------------------------------------------|------------------------------------------------------------------------------------------|----------------|----------|---------|-------------------|---------------|
| 2                                               | A500C դասի Φ12մմ տրամագծի ամրանների տեղադրում                                            | կգ             | 2359,640 | 0,725   | 1 710,739         |               |
| 3                                               | A500C դասի Φ10մմ տրամագծի ամրանների տեղադրում                                            | կգ             | 1122,290 | 0,764   | 857,430           |               |
| 4                                               | A500C դասի Φ14մմ տրամագծի ամրանների տեղադրում                                            | կգ             | 6,530    | 0,736   | 4,806             |               |
| <b>3.3. Բետոնային աշխատանքներ</b>               |                                                                                          |                |          |         |                   |               |
| 1                                               | Հատակի սալերի բետոնացում B20 W6 դասի բետոնով                                             | մ <sup>3</sup> | 20,50    | 84,668  | 1 735,694         |               |
| 2                                               | Պարզարանի հատակի հարթասվաղ 5 սմ հաստությ.                                                | մ <sup>2</sup> | 32,0     | 6,650   | 212,800           |               |
| 3                                               | Հ-1 հեծանի բետոնացում B20 W6 դասի բետոնով                                                | մ <sup>3</sup> | 0,160    | 124,598 | 19,936            |               |
| 4                                               | Պարզարանի պատերի բետոնացում B20 W6 դասի բետոնով                                          | մ <sup>3</sup> | 30,60    | 115,379 | 3 530,597         |               |
| 5                                               | Պարզարանի և նախախցի ΠΚ2.6x1.0x0,22մ մակնիշի ծածկի սալերի տեղադրում                       | հատ            | 18,0     | 44,528  | 801,504           |               |
| 6                                               | Պարզարանի արտաքին պատերի երկշերտ հիդրոմեկուսացում                                        | մ <sup>2</sup> | 60,0     | 1,333   | 79,980            |               |
| <b>3.4. Մոնտաժային աշխատանքներ</b>              |                                                                                          |                |          |         |                   |               |
| 1                                               | Պարզարանային խցերի մուտքի 0.7x0.7x3.3մ չափերի կարգավորման հարթ փականների տեղադրում 2 հատ | կգ             | 424,80   | 1,453   | 617,234           |               |
| 2                                               | Պարզարանային խցերի ելքի 0.7x0.7x4.3մ չափերի լվացման հարթ փականների տեղադրում 2 հատ       | կգ             | 485,20   | 1,453   | 704,996           |               |
| 3                                               | Պարզարանային խցերի մուտքի մետաղական աստիճան 2 հատ                                        | կգ             | 42,0     | 1,453   | 61,026            |               |
| <b>3.5. Պարզարանի մետաղական ցանկապատ</b>        |                                                                                          |                |          |         |                   |               |
| <b>3.5.1. Հողային և շինարարական աշխատանքներ</b> |                                                                                          |                |          |         |                   |               |
| 1                                               | Ցանկապատի պարագծով տարածքի հարթեցում մեխանիզմով IV կարգի բնահողում                       | մ <sup>2</sup> | 150,00   | 0,019   | 2,850             |               |
| 2                                               | Կանգնակների հիմքի մշակում ձեռքով IV կարգի բնահողում                                      | մ <sup>3</sup> | 2,250    | 9,050   | 20,363            |               |
| 3                                               | Խճավազային նախապատրաստական շերտի իրականացում δ=5սմ                                       | մ <sup>3</sup> | 0,320    | 9,338   | 2,988             |               |
| 4                                               | Կանգնակների հիմքի պատրաստում B12,5 դասի բետոնից                                          | մ <sup>3</sup> | 2,250    | 57,077  | 128,423           |               |
| 5                                               | Ցանկապատի մետաղական կոնստրուկցիա                                                         | կգ             | 722,880  | 1,453   | 1 050,345         |               |
| 6                                               | Ցանկապատի ցանց չժանգոտվող մետաղից                                                        | կգ             | 125,50   | 0,772   | 96,886            |               |
| 7                                               | Մետաղական կարկասի և կանգնակների ներկում                                                  | մ <sup>2</sup> | 44,0     | 1,029   | 45,276            |               |
| <b>Ընդամենը ԲԱԺԻՆ 3</b>                         |                                                                                          |                |          |         | <b>12 112,489</b> | <b>43,60</b>  |
| <b>Ընդամենը ԲԱԺԻՆ 1-3</b>                       |                                                                                          |                |          |         | <b>27 784,086</b> | <b>100,00</b> |

|                       |  |            |  |
|-----------------------|--|------------|--|
| ԱԱՀ - 20%             |  | 5 556,817  |  |
| Ընդամենը ԱԱՀ - 20%-ով |  | 33 340,903 |  |

### ՊԱՏՎԻՐԱՏՈՒ

Քաջարանի համայնքապետարան  
 ք. Քաջարան, Լեռնագործների 4  
 ՀՀ ՖՆ գործառն վարչ.  
 հհ 900312467104  
 հվհհ 09426045

1 

/ստորագրություն/



### ԿԱՊԱԼԱՌՈՒ

«ԱժԴԱՆԱԿ» ՍՊԸ  
 ՀՀ Սյունիքի մարզ Քաջարան  
 Բարիկավան թաղ. Փ 4 1/1  
 «Արդշինբանկ» ՓԲԸ  
 հհ 2470805536690000  
 հվհհ 09425679



/ստորագրություն/



**ՕՐԱՅՈՒՑԱՅԻՆ ԳՐԱՖԻԿ**

ՀՀ Սյունիքի Քաջարան համայնքի խմելու ջրամատակարարման բարելավման նպատակով գետային ջրընդունիչի և առաջնային պարզարանի կառուցում  
**ԱՇԽԱՏԱՆՔՆԵՐԻ ԿԱՏԱՐՄԱՆ**

| N<br>ը/կ | Կապալառուի կողմից կատարվելիք աշխատանքների առանձին տեսակների անվանումներ                                                     | Աշխատանքների կատարման ժամկետը**                        |                      |
|----------|-----------------------------------------------------------------------------------------------------------------------------|--------------------------------------------------------|----------------------|
|          |                                                                                                                             | Սկիզբը                                                 | Ավարտը               |
| 1        | ՀՀ Սյունիքի Քաջարան համայնքի խմելու ջրամատակարարման բարելավման նպատակով գետային ջրընդունիչի և առաջնային պարզարանի կառուցում | Կողմերի միջև կնքվող պայմանագիրը ուժի մեջ մտնելուց հետո | 2022թ. դեկտեմբերի 01 |

**ՊԱՏՎԻՐԱՏՈՒ**

Քաջարանի համայնքապետարան  
ք. Քաջարան, Լեոնազործների 4  
ՀՀ ՖՆ գործառն վարչ.  
հհ 900312467104  
հվհհ 09426045



**ԿԱՊԱԼԱՌՈՒ**

«Աժդանակ» ՍՊԸ  
ՀՀ Սյունիքի մարզ Քաջարան  
Բարիկավան թաղ. Փ 4 1/1  
«Արդշինբանկ» ՓԲԸ  
հհ 2470805536690000  
հվհհ 09425679



ՎՃԱՐՄԱՆ ԺԱՄԱՆԱԿԱՑՈՒՅՑ\*

ՀՀ դրամ

| Աշխատանքի                                     |                                                                                             |                                                                                                                                              |                                                                                |         |      |       |       |        |        |         |            |            |            |            |            |
|-----------------------------------------------|---------------------------------------------------------------------------------------------|----------------------------------------------------------------------------------------------------------------------------------------------|--------------------------------------------------------------------------------|---------|------|-------|-------|--------|--------|---------|------------|------------|------------|------------|------------|
| հրավերով<br>նախատեսված<br>չափաբաժնի<br>համարը | գնումների<br>պլանով<br>նախատեսված<br>միջանցիկ<br>ծածկագիրը՝<br>ըստ ԳՄԱ<br>դասակարգման (CPV) | անվանումը                                                                                                                                    | դիմաց վճարումները նախատեսվում է իրականացնել 20 թ-ին՝ ըստ ամիսների, այդ թվում** |         |      |       |       |        |        |         |            |            |            |            |            |
|                                               |                                                                                             |                                                                                                                                              | հունվար                                                                        | փետրվար | մարտ | ապրիլ | մայիս | հունիս | հուլիս | օգոստոս | սեպտեմբեր  | հոկտեմբեր  | նոյեմբեր   | դեկտեմբեր  | Ընդամենը   |
| 1                                             | 45241170/9                                                                                  | ՀՀ Սյունիքի մարզ Քաջարան խոշորացված համայնքի խմելու ջրամատակարարման բարելավման նպատակով գետային ջրընդունիչի և առաջնային պարզարարնի կառուցում | 0                                                                              | 0       | 0    | 0     | 0     | 0      | 0      | 0       | 33 340 903 | 33 340 903 | 33 340 903 | 33 340 903 | 33 340 903 |

ՊԱՏՎԻՐԱՏՈՒ

Քաջարանի համայնքապետարան  
ք. Քաջարան, Լեոնազործների 4  
ՀՀ ՖՆ գործառն վարչ.  
հհ 900312467104  
հվհհ 09426045



ԿԱՊԱԼԱՌՈՒ

«Աժդանակ» ՍՊԸ  
ՀՀ Սյունիքի մարզ Քաջարան  
Բարիկապան թաղ. Փ 4 1/1  
«Արդշինբանկ» ՓԲԸ  
հհ 2470805536690000  
հվհհ 09425679

